

جَزَائِرِ حَاكِمِيَّة

جمعه ایرتسی

نومرو	رجب	سنه	تشرین ثانی	سنه	صیفه
۱۰۵۷	۲۲	۱۳۱۷	۱۳	۱۳۱۵	۱۵۲۲۹

(اشبو غزته بهر هفته جمعه ایرتسی کونلری جیقار . نه لکی در سعادت ایچونه مجبیه بکرمی غروسه)
 (مسایله التمه غروسه . طره لر ایچونه اولده بسه غروسه یوسه اهرنی ختم اولنور . بهر)
 (نسخ سی نه مجبیه بکرمی غروسه اولور اوزره یوزیارهیه هیرده صایلور . درج اولده جوه اعلانانک)
 (هر برنده بر مجبیه اخذ اولنور . نه لکه مشتری اولور استیاندلر عدلیه نظارتی دایره مندره لایحه جریده)
 (محاکم اداره مندره مراجعت ایللملیر .)

قسم غیر رسمی

سنه ۳۱۴ تاریخلی ویکرمی ایکی عددلی اعلام
 یحیی اغا ورفقاسی طرفلرندن تمیز ایدملکه اعلام
 مذکور طرفینک اعتراض وجواب لایحه لرله
 بالمطالعه تدقیقات تمیزیه اجرا سنه ابتدار قلندی

اعلام مذکورک خلاصه مالی مرقوم
 رمضان اغانک بر قطعه سند موجبجه قیون
 اثباتندن مرقومون یحیی وشاکر اغالر ایله
 والدلری نالیه خانم ذمتلرنده الهجفی اولان
 بشیک ایکوز التمش غروشک تأمین استیفاسی

بکقوز قضاسنک قواقدره محله سنده التمش
 ایکی والتمش درت نومرولی خانه ده مقیمون جلب
 اصنافندن یحیی وشاکر اغالر ووالدهلری نالیه
 خانم ایله قضاء مذکورده ساکن جلب رمضان
 اغا بیننده متحدت دعوایه دائر بکقوز بدایت
 حکمه سندن تجارت صفتیه ویریلان ۱۵ ایلول

ضمینده اوتوز بش رأس اغنام ایله بکقوزک
قواقدره قربنده متصرف اولدقلری التمش ایکی
والتمش درت نومرولی شربخانه لری تحت حجزه
التمش اولدیندن بختله حجز واقعت تصدیق
مبلغ مدعایک تحصیلنی طلب و دعوی و محو عنه
سندی ابراز واعطا ایتمسینه قارشو مدعی علیهم
دخی مبرز سندی بعد الاقرار سند مذکورک
۲۳ مایس سنه ۳۱۴ تاریخی اولسینه مندرجاتده
معین اولان یتیم ایکی کوز وعده تمام اولدینی کی
ظهر سندده مرقم تسلیماتک وقوعی اثناسنده
قرق کون وعده دها ویرلش و اوجهله مدعینک
اشبو ایچی طلبه هنوز حق حاصل اولماش
ایدوکنی مدافعه انبا ایملری اوزرینه جریان
ایدن محاکمه و تدقیقات نتیجه سندده مبرز سندک
امضا و مهرلری و قیونلرک اول صورتله اشتراعی
واساس دین اقرار و تصدیق اولندقدن صکره
وعده نك عدم حلولی حقند سرد ایدیلان
اعتراضات شایان قبول کوریه مامش و حجز واقع قانون
دائرة سندده و مبلغ مدعایه داینک کسب استحقاق
ایلدیکی زمانده وقوعبولش اولسی و محجوزک
شربخانه اولدینی سندده مستند بولنسی حسیله
مدعی علیهمک بوجهتله متدائر اولان اعتراضلرینک
ردیه محجوز شربخانه ایله قیونلرک فروختیه

اثماندن مبلغ مدعایک استیفاسه و خسته لاق
مناسبتیه قیونلرک تلف اولسی ملحوظ اولسنه
بناءً قیونلرک فروختی حقند کی قرارک موقتاً
اجراسنه حکمدن و مستدعی تمیزلرک اشبو حکم
علینده لایحه لرده محرر اعتراضلرینک خلاصه سی
عقد مدایه بروعه معینه اوزرینه منعقد اولدینی
ویوم طلبده وعده نك حلول ایتماش بولندینی
کی اساس دین برقطعه سندده مستند و هرکسک
دینی سندده متفرق اوله رق محرر بولنمش اولسنه
کوره مدیونلردن هر برینک آرو آرو حصه لرینک
تفریقیه دعوی اولوجهله حکم ایلمک لازم
کلورکن مجموع دین ایله جمله سنک بردن محکوم
ایلمسی و منازع فیه شربخانه اساساً میکده
اولیوب والده لرینک مسکن شرعیسی اولدینی
جمله جه معلوم ایکن اولبالده کی سند قیدینه استناداً
بروجه محرر قرار ویرلسی بولسز و مغایر قانون
اولدیندن بختله اعلامک نقضی استدعاسندن
و مدعی علیهمک لایحه سندده مندرج نتیجه اجوبه سی
ایسه اعتراضات واقعه نك واهی اولدینی بیانیله
ردی و موافق قانون اولان اعلامک تصدیق
طلبندن عبارت بولنمشدر

ایجابی مذاکره اولندقدن اعلام مذکور
مطالعاسندن مفهم اولدینی اوزره مستند حکم

اولان سند هر نه قدر اوج شخص طرفندن امضا
ایدلش ایسه ده مدیونلرک یکدیگره کفالتی
متضمن بر عباره کوریه مامسنه نظراً هر بری
دیندن حصه سیله محکوم ایلمسی لازم کله چکنه
واول حالده حجز واقعت دخی یالکز متصرف سنک
دیندن حصه سی نسبتنده تصدیق اقتضایده چکنه
و خصوصیه محجوز خانه نك مسکن شرعی ایدوکی
ادعا اولنقدن ایدوکندن بوجهتک دخی تدقیق
لازم کله چکنه بناءً محکمه جه بورالری نظر اعتیایه
النقسنین مجموع دین ایچون حجزک تصدیقنه
حکم اولنسی بولسز و مغایر قانون بولندینسه
و مستدعیرک اعتراضی دخی بوجهته متدائر
اوله رق شایان قبول کورنیکنه مبنی اصول
محاکمه حقوقیه قانوننک ایکوز اوتوز ایکنجی
ماده سی موجبجه اعلام مذکورک نقضیه قانون
مذکورک ایکوز قرق دردنجی ماده سی حکمنه
توقفاً کیفیتک صور محرره دائره سندده بالرویه
اعلامه ربطی ضمیمه محکمه مذکوریه اعاده سنه
و مستدعیرک بی قدرت اولدقلری تحقق ایلدیکنه
بناءً صورت و تبلیغ خرجلرندن عفو یله زیرده
مفرداتی مرقم ایکوز اوتوز اوج بچق غروش
مصارف سائر نك ایلروده حقسنر چیقحق طرفه
رجوع ایتمک اوزره اول امرده مستدعیردن

المنسنة ۲۴ شباط سنه ۳۱۴ تاریخنده متفقاً قرار
ویرلدی .

پرشته قصبه سنک خاتونیه محله سندده مقیم
حسین بن محمود اغا ایله قصبه مذکورنک جامع
کیر محله سندده ساکن اصحاب علاقه دن سید اغا
زاده محمد علی اغا پیننده متحدت دعوییه دائر
قوصوه استیفاف محکمه سنددن ویریلان ۳۰ مایس
سنه ۳۰۸ تاریخی و درت عددلی اعلام مرقوم
محمد علی اغا طرفندن تمیز ایلمکله طرفینک
اعتراض و جواب لایحه لری و باش مدعی عمومیلک
مأموریت علیسنک مطالعه نامه سی ایله برابر
بالمطالعه تدقیقات تمیزیه اجراسنه ابتدار اولندی

اعلام مذکورک خلاصه مآلی مذکور
حسین اغالیته قریه سی حیواناتنک انتفاعنه
مخصوص معلوم الحدود مرعایه ایکی سنه دن برو
مزبور محمد علی اغا مداخله ایلدیکندن بختله
مداخله سنک منعی طلب و دعوی ایتمسینه قارشو

مدعی علیه محمد علی آغا محل متازع فيه مرعی
اولیوب کنديسنگ جد و پدرندن منتقلاً عهدہ
تصرفندہ بولنان اراضیدن اولدیغی مدافعة بیان
وانبا ایلمسی اوزرینه طابو قلندن بالاستعلام
وارد اولان جوابده قریة مذکوره داخلندہ
مدعی علیه محمد علی افانک اون بش دونم مقداری
ترلاسی اولدیغی بیلدیرلمش ایسده اشبو ترلانک
ارائه اولنان حدود و مقدار ذراعی متازع فيه
مرعانک حدود و ذراعنه موافق اولدیغی کبی
مدعا به اولان محاکم مرعی اولدیغی دخی اقامه اولنان
شهودک شهادتیه ثابت اولدیغندن مدعی علیه
مرعای مذکوره منع مداخله سنه دأر بدایة ویریلان
اعلامک عند الاستیناف تصدیقنه حکمدن واشبو
حکم علیهنده مستدعی تمیز محمد علی افانک باشلوجه
اعتراضی محکمة استینافیه جه قریه اهالیسنگ قوم
محصور اولوب اولدقلرینک تدقیق ایلامسی
و ذی الیدک ثبوتنه تصادق طرفین کافی اولیوب
هر حالده ینه استماعی لابد ایدوکنی عند الاستیناف
درمیان ایلش ایکن محکمة استینافیه جه بوااعتراضه
الثقات اولنمیرق حکم ابتدائینک تصدیق قلمسی
مخالف قانون اولدیغندن بحثله اعلام مذکورک نقضی
استدعاسندن و مدعی علیه نتیجه جوابی دخی
اعتراضات مسرووده نک واهی اولدیغی بیانیله

بدایة برکونه تبلیغات اجرا اولنمقنیزین یالکز
راپور مألنک تفهیمیه اکتفا ایلمسی یولسز
واصول وقانونه مغایر و مستدعینک اعتراضیه
سالف البیان مطالعه نامه نک مندرجاتی دخی
بوجهته متدأر اوله رق موافق نفس الامر بولنش
اولدیغنه بناء اصول محاکمة حقوقیه قانونک
ایکیوز اوتوز ایکنجی ماده سی موجبجه اعلام
مذکورک تقضیه قانون مذکورک ایکوز قرق
دردنجی ماده سی حکمنه توفیقاً کیفیتک صور
محرره دائره سننده بالرؤیه اعلامه ربطی ضمننده
محکمة مذکوره به اعاده سنه وزیرده مفرداتی مرقم
اوچیوز اون بر بحق غروش مصارف تمیزیه نک
ایلروده حقسنز چیه جق طرفه رجوع ایتک
اوزره اول امرده مستدعی تمیز محمد علی افانک
الخمسنه ۲۰ مایس سنه ۳۱۲ تاریخنده متفقاً قرار
وبرلدی .



اعلام مذکورک خلاصه مآلی مرقوم
علکساندر کبیا کندوسی احمد بک قریه سی
اهالیسندن بولندیغی جهته قریه مذکوره
مرعاسنده رعای ایده کلکده اولدیغی اغنامی
قریه مذکوره اهالیسی مرعادن اخراج ایدوب
بشیوز الی رأسی متجاوز اغنامی آچلقدن تلف
اوله درجه سننده بولندیغندن بحثله اول امرده
حیواناتک مرعایه دخوله قرار موقت اعطاسیه
کندو حیواناتک مرعانک اوتندن صویندن حق
انتفاعنه قریه مذکوره اهالیسنگ مداخله لرینک
منعنی طلب و دعوی و قرار موقت اجرا سندن
واغنامک مرعایه دخولندن طولای اهالی
مرقومیه ترتب ایده جک ضرر وزیران ایله بالجمله

ادرنه ولایتی داخلنده لوله برغوس قضاسنه
تابع احمد بک قریه سی اهالیسی ایله قضاء مذکورک

تضمیناتی ادایه دایر بر قطعه کفالتنامه ایله اهالی
 قریه نك یدییوز قرق التی نفوسدن عبارت
 اولدیغنی مبین نفوس قیدینی ابراز واعطا ایتسنه
 قارشو اهالی قریه وکیلی اوخانس افندی دخی
 مدعی علکساندری لوله برغوس قصبه سنك
 آلاجه زمین محله سنده مقید اولوب اراضی
 قانونك ماده مخصوصه سی موجب قریه مذکوره
 مرعاسنده حیوان رعینه حق و صلاحیتی اولدیغنی
 بیان ومدعینك لوله برغوسده مقید اولدیغنه دایر
 بر قطعه نفوس قیدینی ابراز واعطا ومدعی علیه لردن
 اولوب محکمه ده حاضر بولنان واسیقو دخی
 مدعینك زوجه سنك خانه سنندن ماعداد قریه
 مرقومه ایکی خانه سی وجدید بیک دونم
 اراضیسی بولدیغنی وکندوسی اوتوز بش سنه یی
 متجاوز قریه لرلنده اقامتله اغنامی مرعاده رعی
 اولمقده ایکن بوسنه قریه اهالیسی مرعانك
 اوتلاقیه سنی آخره ایجار ایتک املیه مدعی
 مرقومك اغنامی مرعادن اخراج ایتدگرنی وکیل
 مومی الیه دخی بوبانده مدعی علیه مرقوم
 واسیقونك بوافاده سی عموم قریه اهالیسی علیه
 اقامه اولنان دعویاه قارشو اقرار وسند عد
 اولمه یه جغنی ومدعیده زوجه سنك مذکور قریه ده
 ایکبیک بشیوز دونم اراضیسی وایکی خانه سی

یوز طقسان التنجی ماده سی حکمنه توفیقاً اعلام
 ابتدائیک تصدیقه حکمدن ومستدعی تمیز قریه
 مذکوره اهالیسنك اشبو حکم علیه لنده لایحه لرلنده
 محرر اعتراضلرینك باشلوجه سی بوکی اراضی
 دعوالرلنده طابو مأمورینك انشای محاکمه ده
 حاضر بولندیرلسی اصول مخذه ایجابندن ایکن
 طابو مأمورینك حاضر بولندیرلامسی یولسر
 ومخالف قانون اولدیغندن بمثله اعلام مذکورك
 قضی استدعاسندن وانق الیان مطالعه نامه مندرجاتی
 دخی دعوانك تدقیقات استینافیه سی اوزریه
 اعطا اولنان قرار مصیب کورنمکه اولبایده کی لایحه
 تمیزیه ده سرد ایدیلان اعتراضات موافق قانون
 کوریه مدیکندن ردی لازم کله جکی بیانندن
 عبارتدر

ایجابی مذاکره اولندوقده اعلام مذکور
 مطالعه سنندن اکلاشلدیغنی اوزره اساس دعوی
 عموم قریه اهالیسنك انتفاعنه مخصوص اولان
 مرعایه متعلق اولوب بدایت محکمه سنجیه انشای
 محاکمه ده مدعی عمومینك وارضی مأمورینك
 حاضر بولندیرلامسی نقطه سنندن اعلام مستأنف بهک
 فسخیه مدعی عمومی وارضی مأموری حاضر
 اولدقلری حالد دعوانك رؤیت ایدلسی لازم
 کلور ایکن محکمه مذکوره ججه مدعی عمومینك

قوصوه ولایتی داخلنده قالقان دلن قضاسنه
 تابع قوم غیر محصور طورجان کبیر قریه سی
 اهالیسی ایله قضاء مذکوره تابع غستوارناحیه سنه
 مضاف قوم غیر محصور طورجان صغیر قریه سی
 اهالیسی بیننده متکون دعویاه دایر قوصوه
 استیناف محکمه سنندن ۲۳ تموز سنه ۳۱۴ تاریخ

واون درت عددی ايله ویریلان اعلام طورجان کیر قریه سی اهایلیسی طرفندن تمیز ایدلمکله باش مدعی عمومیک مأموریت علیه سنک مطالعه نامه سی الذرق اعلام مذکور طرفینک اعتراض وجواب لایحه لرله بالمطالعه تدقیقات تمیز به اجرا سته ابتدار اولندی

اعلام مذکورک خلاصه مالی قریتین مذکور تین اهایلیسنک من القديم مشترکاً انتفاع واحتطاب ایلدکلی اوچوز دومدن عبارت معلوم الحدود مرعی وبالطه لغه مذکور طورجان کیر قریه سی اهایلیسنک واقع اولان استقلال ادعایینک ردیه مذکور مرعی وبالطه لغه کالاول مشترکاً تصرف ایدلمی لزومه دار قالقان دلیل بدایت محکمه سندن صادر اولان اعلامک طورجان کیر قریه سی اهایلیسی طرفندن استیناف ایدلمی وبعضی اسباب قانونیه دن ناشی اعلام مذکور فسخ اولنمی اوزرینه جریان ایدن محاکمه وتدقیقات استینافیه نتیجه سنده مستأنف علیه طورجان صغیر قریه سی اهایلیسی طرفندن اقامه ومحکمه جانبندن ایدیلان شهود متواتره نک شهادت لرینه کوره منازع فیہ مرعی وبالطه لغه بالاشترک تصرف اولندیغنی ثبوتنه بناء قریتین

مذکور تین اهایلیسنک اولوجهله تصرفه حکمدن ومستدعی تمیز طورجان کیر قریه سی اهایلیسنک اشبو حکم علینده لایحه لرله محرز اعتراضاتک باشلوجه سی کندولری محل منازع فیہ بالاستقلال ادعای تصرف ایتکده اولملرینه کوره ینهلری مرجح اولدینی حالد بوجهتک نظردفته التماسی وشهود متواتره نک یکرمی بش نقردن دون اولیه جنی محکمه تمیز مقرانی اقتضاسندن ایکن عدد مذکور دن دون اولان کسانک شهادت لرینه تواتر دینلسی مغایر قانون اولدیغندن بحکله اعلام میز بهک تقضی ولایحه جوابیه مؤداسی دخی اعتراضات مذکور دنک غیر وارد اولدینی بیانیه ردی واعلام مذکورک تصدیق استدعاسندن وسالف الذکر مطالعه نامه مالی دخی لایحه تمیزیه ده درمیان اولنان اعتراضاتک غیر وارد اولدینی بیانندن عبارتدر

ایجابی مذاکره اولندقد اعلام مذکور مندر جاتندن منقهم اولدینی اوزره محکمه استینافیه جه بر منوال محرز حکم اولنمش ایسه ده منازع فیہ مرعانک حدودینک تعیینی محلنده کشف اجرا سیله اوله بیله جکی کبی مذکور مرعایه طورجان کیر قریه سی اهایلیسنک مستقلاً ادعای تصرف ایتکده اولملرینه کوره بحکم المجله اهالی مذکور دنک

ینهلری مرجح اولدینی حالد دیگر طرفدن شاهد اقامه واستماع اولنمی ویکرمی بش کشیدن دون اولان کسانک شهادت لری تواتر درجه سنده اولدینی حالد اون یدی کشینک شهادتنه تواتر دینهرک حکم ویرلسی قانونه مغایر ومستدعیلرک اعتراضی وارد وموافق نفس الامر اولدیغنه بناء اصول محاکمه حقوقیه قانوننک ایکوز اتوز ایکنجی ماده سی موجبیه اعلام مذکورک نقصنه وایکوز قرق دردنجی ماده سی حکمنه توفیقاً کیفیتک اعلامه ربطی ضمنده محکمه مذکوریه اعاده سته وزیرده مفرداتی محرز درتیوز سکسان بر بحق غروش مصارف تمیزیه نک ایلروده حقسنر حقه جحق طرفه رجوع ایتک اوزره اول امرده مستدعی تمیز طورجان کیر قریه سی اهایلیسنک التمسنه ۱ نیسان سنه ۳۱۵ تاریخنده متفقاً قرار ویرلدی .

سلانیکه تابع یکجه واردار قصبه سنک خزینه محله سنده مقيم عساكر شاهانه قول اغالرنندن

اعلام مذکورک خلاصه مالی مزبورده خدیجه خانم مومی الیه احمد توفیق بکدن برقطعه حجت شرعیه موجبیه یوز یکرمی لیرا بدل مقابلنده قطعاً تفرغ ایلدیکی لیوادیه نام یایلاغک ثلث حصه سنک طقوزده بر حصه شایعه سنی مومی الیه تقریردن امتناع ایتکده بولندیغندن تقریره مجبور طوطلسنی وامتناعی تقدیرنده مذکور یوز یکرمی لیرانک تحصیلنی طلب ودعوی ایتیمی ومومی الیه احمد توفیق بک وکیل تعیین ایتک اوزره استمهال ایلسی اوزرینه اجرای محاکمه یوم آخره تعلیق قلندیفی حالد مومی الیه توفیق بک یوم مذکورده اجابت ایتدیکی کبی وکیل دخی کوندرمدیکندن اجرا قلنان محاکمه وتدقیقات غایبیه نتیجه سنده مومی الیه توفیق

بکک مذکور لیوادیه یا بلاغتك ثلث حصه سنك طقوزده بر حصه شایعه سنی یوز یکر می ایرا بدل مقابلنده صائمش اولدینی اولیاده ابراز ایدیلان حیز شرعیه واستماع قلنان شهودك افاده لریله تحقیق ایتمسینه بناء مذکور یوز یکر می لیرانك مع فائض میرمومی الیهن تحصیلنه حکمندن ومستعدی تمیز احمد توفیق بکک اشبو قرار علیهنده لایحه سنده محرر باشلوجه اعتراضی یوم محاکمه ده حاضر بولنمی ضمننده کندوسنه اخبار وقوع بولمسزین دعوانك غیاباً رؤیت ایدلسی مخالف قانون اولدیغندن بمثلله اعلامك نقضی استدعاسندن عبارت بولنمشدر

ایجابی لدی المذاکره اعلام مذکور مطالعه سندن منفهم اولدینی اوزره مومی الیه احمد توفیق بکک یوم معینده عدم اجابی جهتیه دعوائی واقع غیاباً رؤیت اولنهرق مومی الیهك محکومیتنه قرار ویرلش ایسه ده یوم مذکورده محکمه ده بولنمی ضمننده میرمومی الیه احضار نامه تبلیغ ایدلیرکنه ویاخود امضاسی الندیغنه دأر اعلام مذکورده صراحت کوریله مامش و بوايه مخالف قانون بولنمش اولدیغندن اصول محاکمه حقوقیه قانونك ایکوز اوتوز ایکنجی ماده سی موجبجه اعلام مذکورك نقضیه قانون

من بورك ایکوز قرق دردنجی ماده سی حکمنه توفیقاً کیفیتك یکیدن بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقم اوچیوز طقسان اوچ بچق غروش مصارف تمیزیه نك ایلروده حقسنز چقه جق طرفه رجوع ایتمك اوزره اول امرده مستعدی تمیز احمد توفیق بککن لشمسینه ۳۱ مارت سنه ۳۱۵ تاریخنده متفقاً قرار ویرلدی.

کوتاهیه سنجانعی بدایت محکمه سندن بعدالنقض دفعه ثانیه ده اوله رق ۲۴ شباط سنه ۳۱۴ تاریخنده ویریلان قراری حاوی یوز الی ایکی نومرولی اعلام ایله متفرعاتی باش مدعی عمومیلک مأموریت علیهنده ۲۲ مارت سنه ۳۱۵ تاریخ و اوچیوز اون ایکی نومرولی تبلیغنامه ایله محکمه تمیز جزا دأره سنه کوندرلیرکنندن تعلق قانونیسی حسبیه هیئت عمومیه ده هیئت مذکورده ضبط کاتبی حازم بکه قرائت ایتیرلدی

مذکور اعلام اخیرده ویرانچك ناحیه سنه مربوط چودر حصار قریه لی ملا علی اوغلی علینك قتلندن طولای اتهم اولنان طوبال اوغلی حسین زوجہ سی خدیجه نك ضارب قاتل اعتباریه قانون جزانك یوز یتیش بدنجی ماده سی ذیلده تطبیقاً بش سنه کورکه قولسی ومراهق علیهنك دخی معین قاتل صفتیه قانون مذکورك یوز یتیش بشنجی ماده سی ایله قرقنجی ماده سنك اوچنجی فقره سی موجبجه برسنه محبوسیتیه برابر بش سنه ضبطیه نظارتی الته النمی حکمنی حاوی مقدما اعطا قلنان ۲۳ تشرین اول سنه ۳۱۴ تاریخلی اعلام ایله متفرعاتی ومزبورده خدیجه طرفندن ویریلوب صغر سنلرینه مبنی بلا تحلیف استماع اولنان طقوز چوجفك معلومات عادیه قیلندن اولان افاده لری حقنده برشی دینلیرکنسه وماهیت شهادات توضیح ایدلمکسزین فعلك صورت مطلقده شهادات ایله نمونسندن بحث اولندیغنه وشهوددن اوچنك کندولرینه عداوتلری اولدینی وخصملری طرفندن بوبابده علیهنرنده خلاف واقع شهادته تشویق ایدلش بولندقلری ومزبور علینك احمد ایله خالد طرفلرندن شدیداً ضرب واتلاف ایدلیرکی مدافعه اثبات ایدلش ایکن

صور مبسوطه ایله بوبابده کی مدافعات واقعہ مسکوت عنه براغلدیغنه دأر اولان لایحه تمیزیه مندرجاتی حقنده محکمه تمیز جزا دأره سنجه اجرای تدقیقات اولنهرق نقصانی تحقیقات ومدافعاته وسائر جهته متدأر لایحه ده بسط اولنان وشلیغنامه ده کوسرلیرکی وجهه بجا ونقض حکمی مستلزم کوریلان اعتراضاته مبنی مذکور اعلام نقض ایدلش ومزبور تاندن علیهنه مدت جزایه سنك ثلثاتی بالاکمال عفو عالییه مظهر اولمش بولندیغندن یالکیز خدیجه نك اجرا قلنان محاکمه سی نتیجه سنده خصوص مذکور حقنده کی حقوق عمومیه ومدافعه شاهدلری اولجه استماع اولنهرق علیه شهودینك شهادتلریله راپور مألنه بنای حکم ایدلش وله شهودینك افاداتیه مدافعه وکیلانك مدافعاتی اسباب موجبیه سیله رد اولنمش بولندیغنی جهته نقاط منقوضه حقنده یکیدن اجرای تدقیقات اقتضا ایتدیرکنندن اوراقك محکمه تمیزه تودیغنه متفقاً قرار ویرلیرکی محرردر تبلیغنامه ده دخی حکم سابق شهود مستمعنك ذات وشهادتلری علیهنده نقصانی تدقیقات حقنده درمیان اولنان اعتراضاتك بجا کورلمسندن ناشی نقض ایدلش ایکن محکمه مذکورده جه تکریر محاکمه قاعده سنه رعایت اولنقمسزین یکیدن اجرای

محاکمه اقتضا اتمیه چکی بیانیله منقوض اولان
جهات اوزرینه بنای ایدیلرک اصراراً قرار
ویرلمی مغایر قانون اولدیغندن اعلام مذکورک
هیئت عمومی تمیزیه جه نقضی طلب ایدلشد
قرار منقوضی ایضایه متدار اولان اعلام
مذکورک اصول محاکمات جزاییه قانونک
اوچیز قرق التجی ماده سنک برنجی فقره سنده
محرر اولدینی و مأموریت مشار الیهانک جمله
مطالعاندن بولدینی و جهله اصراری حاوی
اولقدن ناشی امر تدقیقک قانوناً هیئت عمومییه
عادی اول امرده بالاتفاق تحت قراره التدقدن
صکره تدقیقات تمیزیه اجرا اولندی

مقدمکی محاکمده حاضر بولمش اولان
اعضا ملازمی ما کف افندیکن یرینه شو محاکمه
اخیرهده اعضادن صوه افندیکن بولندیریلر ق
اصرار قرارنده رأینک منضم اولدینی اکلشلسنه
واکرچه دعوانک بر قسمی استماع ایدن اعضانک
یرینه دیگر اعضانک بولنه یلمسی قانوناً جائز
ایسهده صورت ادعایله کیفیت مدافعی بالاستماع
دعوی حاضره نک تدقیقات و محاکمه سنی اجرا
ایتمش اولیان حاکمک اوبابده بیان رأیه صلاحیت
قانونیه سی اوله میه جفی جهتله هیئته یکدن داخل
اولان اعضا حضورنده محاکمات سابقه نک مجدداً

اجراسی قابل اوله مدینی تقدیرده ضبطلری
مواجهه طرفینده علناً قرائتله صورت جریانیسی
تکریر ایدلدکن صکره محکمه تمیزک صورت
نقضنه اقتضا و یاخود قرار منقوضی ابقا اتمک
جهتلرینک تذکر ایدلمسی مقتضی ایکن شوقاعده
قانونیه ره رعایت اولتمسزین اصرار ایدلمسی
مجهوله بنای حکم اولمسیلله شرائط قانونیه
مغایر و اصول محاکمهی محل اولسنه و مأموریت
مشار الیهانک مطالعه سی دخی بوجهته متدار
اولوب شو نقصان اسباب نقضیه دن اولدیغندن
سائر جهاتی و اصرار حقنده کی مطالعاتی تدقیقه
محل قانونی کوریه مامسنه مبنی اصول محاکمات
جزاییه قانونک اوچیز اون دردیجی ماده سنه توفیقاً
اعلام اخیرک دخی کلیاً نقضنه و دائره خصوصیه نک
نقض اعلامنک تعلق ایتدیکی نقطه دن اعتباراً
اصول قانونیه دائره سنده ایفای وظیفه اولتمق
اوزره اوراق دعوانک مذکور کوتاهییه بدایت
محکمه سنه اعاده سنه و ایکیز غروش اعلام
خر جنک تحصیلنه ۲۳ جزیران سنه ۳۱۵ تاریخنده
اتفاقه قرار ویرلدی .

اسمان

محکمه دیوانخانه سنه تعلیق و کیفیتک غزیه درج
و تمیق ایله اعلاننه ابتدار قلندی .

۱۱ جمادی الاخر سنه ۳۱۷

۴ تشرین اول سنه ۳۱۵

مالیه خزیننه جلیله سی ایله یکی قیوده یالی
چشمه سنده مقیم طومه جان ایله ماترملری اولوب
اقامتگاهلری مجهول اولان عثمان و خلیل رمزی
وحاجی رشید و ادهم و قره بت و اغوب و نهابت
و قسطنطین و سبوح افندیلرک جهات متنوعه دن
خزیننه مشار الیهیه غیراز فائض دینلری اولان
ایکی ملیون التیوز قرق طقوز بیک اوچیز
قرق بر عروشک مومی الیهمدن تحصیل حکمنی
حاوی در سعادت بدایت محکمه سی ایکنجی حقوق
دائره سنندن عن الغیاب استیصال ایلدیکی ۲۰ ایلول
سنه ۳۱۵ تاریخلی والتیوز اون بش عددلی
اعلامک صورت مصدقه لری برمنوال محرر
اقامتگاهلری مجهول اولان عثمان و خلیل رمزی
وحاجی رشید و ادهم و قره بت و اغوب و نهابت
و قسطنطین و سبوح افندیلره اصول محاکمه
حقوقیه قانونک یوز قرق طقوزنجی ماده سنک
فقره اخیره سی موجبجه تبلیغ عد اولتمق اوزره

بیک قریه سنده بلا نومرو مغازه ده ساکن
بقال قسطنطی ولد یانینک محل مذکورده بلا
نومرو خانه ده ساکن اولدینی حالده موقه
هکبه لی اطهده اقامت ایتمکده بولسان محمد توفیق
بک ذمتنده اله جفی اولان مبالغ معلومه نک تأهین
استیفاسی ضمنتده دائره نک ۲۱ اغستوس سنه
۳۱۵ تاریخلی قراری موجبجه میر مومی الیهک
املاکنه موضوع حجزک تصدیق ضمنتده اقامه
ایلدیکی دعوان طولایی برای محاکمه تنظیم
و مومی الیه محمد توفیق بک تبلیغ اولتمق اوزره
بیک قریه سنده کوستریلان اقامتگاهنه ارسال
و تسیر قلنان ورقة دعوتیه زیرینه مومی الیهک
اورادن چقه رق نریه کیتدیکی مجهولی اولدیغنه
دائر امام طرفندن شرح و تختم ایلدیکی کی

هکبه لی اطه به کوندیریان ورقة دعوتیه دخی
اوراده محمد توفیق بک نامنده کسنه بولمندی
مذکور اطه امام ومختارانی طرفلندن شرح
وتختم ایدیه رک اعاده ایدلش ومدعی مرقوم
قسطنی طرفندن باسند مصدق بالوکاله کلش اولان
حاریش وامواقه افندینک مومی الیه توفیق بکک
غائب عدی وغزته لر ایله اعلان ایدلک صورتیه
دعوتی حقنده سبق ایدن طلبی اصول محاکمه
حقوقیه قانوننک یکرمی التجی ماده سنه موافق
کورنش اولدیغندن مذکور ماده حکمنه توفیقاً
مذکور دعوانک تشرین ثانینک اون سکزیجی
نجشیه کونی درسعادت بدایت محکمه سی برنجی
حقوق دأره سنده رؤیتی قرارلشدیریان
واولابده کی جلبنامه محکمه دیوانخانه سنه تعلیق
قلغمه مومی الیه توفیق بک یوم مذکورده
کلدیکی وکیل دخی کوندیرمدیکی حالدیه معامله
غیاپیه اجرا قلغمه جفی اعلان قلندی .

۲۰ تشرین ثانی سنه ۳۱۵

عمر اغلنک شریف پاشا زاده عاطف بک
ذمتنده با اعلام الهجینی بولنان مبالغنک تأمین
استیفاسی ضمتنده تحت حمزه النان التونی زاده
محله سنده سیداحمد دره سنده برطرفی چایر اوکی
بوستانی وبرطرفی حسن بک بوستانی وبرطرفی
مقابر مسلمین وطرف رابعی طریق عام ایله محدود
اون ایکی نومرولی برقطعه ترلانک درت حصه
اعتباریه والده سی نفیسه خانمندن ارثاً انتقال
ایده جک بر حصه شایعه سی تاریخ اعلانندن اعتباراً
اون بش کون صکره بالمزایده فروخته مبادرت
اولنه جینی اسکدار اجرا دأره سنندن اعلان
اولنور .

۲۳ تشرین اول سنه ۳۱۵

اسپیرو ایتیمبولونک پروکار لیغور ذمتنده
الهجینی اولان معلوم المقدار مبالغنک تأمین
استیفاسی ضمتنده مدیون مرتومک بک اوغلنده
پاپاس کوپریسی جاده سنده کان یدی نومرولی
برباب کارگیرخانه ایله تحتنده واقع دکانده متصرف

اولدینی نصف حصه شایعه سی لدی المزایده سکز
بیک بشیوز غروش التون اچیه بدل ایله طالبی
عهده سنده تقرر ایتمش اولغله تاریخ اعلانندن
اعتباراً اوتوز برکون ظرفنده یوزده بش ضمیمه
طالب اولانلرک بک اوغلی بدایت محکمه سی اجرا
مأموریتنه و اوتوز برنجی کونی دخی ساعت درت
راده لرنده خانه مذکور پیشکاهنده حاضر بولنملری
اعلان اولنور .

۲۷ تشرین اول سنه ۳۱۵

حاجی حسن اغلنک درسعادت بدایت
محکمه سی ایکنجی حقوق دأره سنندن استیصال
ایلدیکی برقطعه اعلام موجبجه آراهه جی اصنافندن
صالح اغا ذمتنده محکوم به الهجینی اولان مبالغ
معلومه نک تأمین استیفاسیچون مدیون مومی الیهک
مالی اولوب اقدیمجه تحت حمزه النهرق فروختی
قرارلشدیریان آراهه ایله ایکی رأس بارگیرلرک
شهر حال رومینک التجی جمعه ایرتسی کونی آت
پازارنده بالمزایده فروخت اولنه جینی درسعادت
اعلامات نظامیه اجرا دأره سنندن اعلان اولنور .

۳ تشرین ثانی سنه ۳۱۵

اوانکلیوسک قسطنی ولد پنا یوط ذمتنده
محکوم به الهجینی اولان مبالغنک تأمین استیفاسی
ضمتنده مدیون مرقومک عهده تصرفنده بولنان
بیوکدره جاده سنده عتیق بر وجیدید درت
نومرو ایله مرقم بر باب مسکرات مغازه سیله
مشمولاتندن عرصه نک بر ریع حصه شایعه سنک
حجزیه فروختی تحت قراره النمش اولدیغندن
تاریخ اعلانندن اعتباراً اون بش کون صکره

طاهر افنديك حسن تحسين افندي ذمتده
محكوم به الهجني اولان معلوم المقدار مبالغك
تأمين استيفاسي ضمنده مديون مومي اليهك
بوياجي كوينده واقع احمدجلال پاشا عرصه سنده
مكرر بر نومرو ايله مرقم متصرف اولديني
برباب خانه سي تحت حمزه النهرق لدي المزايده
طقوز بيك ايكوز غروش بدل ايله طالبي
عهده سنده تقرر ايتمش اولغله تاريخ اعلاندن
اعتباراً اوتوز بركون طرفنده يوزده بش ضميمه
طالب اولانلرك بك اوغلي بدايت محكمه سي اجرا
مأموريتنه و اوتوز برنجي كوني دخی قراردادده سي
كشیده اولتمق اوزره ساعت درنده خانه مذکور
پيشكاهنده حاضر بولنملري اعلان اولتور .

۴ تشرین ثانی سنه ۳۱۵

آراهه جي مصطفى اغانك آراهه جي سالم اغا
ذمتده با اعلام الهجني بولسان مبالغك تأمين
استيفاسي ضمنده تحت حمزه النان بر چفت
باركيريله فيطوني اشبو ماه حال رومينك اون
ايكنجي جمعه كوني اسكدارده اسب بازارنده
ساعت درت راده لرنده بالمزايده فروخت اولنه جفتدن
طالب اولانلرك محل مذكوره عزيمتله مأمور
مخصوصه مراجعت ايلملري اسكدار اجرا
دأره سندن اعلان اولتور .

۶ تشرین ثانی سنه ۳۱۵